



JUBEL: Hosanger! Yeeehh! Øyvind Staveland og Vamp er nøgd med kvelden. Alle foto: Irene Mjelde

Eit Tir n'a Noir på Hosanger

Smektande balladar, fengande rytmar, og ein god dose rein, skjer musikkunst. Det er Vamp i eit nøtteskal.

”

Fullare enn dette har nok mest sannsynleg denne vesle kyrkja aldri vore.

Signe Røsland



KALDT: Jakob Johan Birkeland Solberg og mor June Birkeland, er klare for konsert.



TILSKOT: Paul Hansen.

Irene Mjelde
bn@bygdnytt.no

D E T E SVART november...". Men det merka ikkje dei vel 300 personane som hadde vore så heldige å få tak i billett til søndagens kyrkjekonsert på Hosanger. I løpet av eit par kveldstimar fekk publikumane servert ei musikkoppleving av dimensjonar.

I KØEN UTANFOR før konserten sansar ein forventninga, og trass i kulda er her berre smilande, spente ansikt å sjå. Ein av dei yngste, fjortenåringen Jacob Johan Birkeland Solberg er ekstra barsk, og har lagt jakka igjen i bilen.

— No ser eg ut som ei dårleg mor. Du kan få låna mamma si kåpe, tilbyr mor hans, June Birkeland.

Unge Solberg takkar nei.

— Har mora di lokka deg med seg?

— Nei, eg likar musikken.

— Ein lokkar ikkje med seg nokon når billetten kostar 400 kroner, skyt mor hans inn.

— Kva er det som er så bra med Vamp sin musikk?

— Han er fin.

— Og så har dei så fine tekstar, kviskrar ein sufflør bak han i køen, før samtalen dreier inn på arrangørane si innsats.

Det er mykje, og velfortent skryt dei får. Det er ikkje kvar dag ein kan nytta konsertar med slike profilerte grupper som Vamp i små bygdar som Hosanger.

GRUPPA FRÅ HAUGESUND er nok godt kjend for dei aller fleste. Sjølv kjerna består av Øyvind Staveland, Torbjørn Økland og Carl Øyvind Apeland. Desse var tre av dei fem som starta bandet i 1991. Dei siste åra har òg Paul Hansen, og Staveland sin son, Odin, vore fullverdige medlemmer av gruppa. Sistnemnde har og bidradd som komponist og tekstforfattar på fleire av songane dei framfører. Med seg på scena på denne seks veker lange turnéen har dei òg trommeslagar Thorstein Loftus frå Øystese, og Jan Ingvar Toft, originalvokalisten frå Vamp sine sju første år.

Den særreigne stemma frå deira tidlegaste utgjevingar er igjen med på turné, og det bustete håret og det kreative fotarbeidet til Toft, er nok eit kjærkome syn for publikum. Så er det òg han som opnar "ballet" med den forholdsvis rolege "De e derfor eg syng", kjapt etterfølgd av den drivande "Ta meg med". Og publikum let seg ikkje be to gonger. Vamp hadde ei fullstappa kyrkje i si hule hand allereie frå første strofe.



FERSK: Julian (9) er sjølv trommeslagar, og fekk etter konserten lov til å prøva trommesettet til Thorstein Loftus (t.v.) Til høgre står Odin Staveland.



ORIGINALVOKALISTEN: Jan Ingvar Toft.

I FØRSTE HALVDEL av konserten kunne dei framførte nytta fleire av Vamp sine eldste komposisjonar, med rolege låtar som "God morgen, søster", "Lindehålsmaen" og "Savonarola".

Som Øyvind Staveland sjølv sa:

—Å opptre her i kyrkja gjev oss sjansen til å spela songar som vi vanlegvis ikkje framfører så ofte.

Så kjem "Sitte å tenke". Med tempoet i denne blir det og fart i lysshowet, og resten av konserten er ikkje publikum "nedpå". Det er som om heile kyrkjerommet sitrar av energi, entusiasme og musikkglede. Det eksploderer i fargar og dundrar i høgtalarar så ein blir heilt fjera av musikk og lys, og i midten, bak alt dette, skintar ein alerttavla.

PÅ "MÅNEMANNEN" får vi nytta den musikalske "kampen" mellom Staveland senior og junior, far Øyvind på fiolin og son Odin på trommer. Det imponerende samspillet er ein fryd for både auge og øyre. Men plutsleg går alle muskarane, bortsett frå Odin Staveland, frå «scena», og på meisterleg vis roar han åleine ned "kyrkjefolket" med den stemningsfulle "Denne uro". Vamp rundar av kvelden med "Tir n'a Noir" og "Liten fuggel" til trampeklapp frå eit publikum i ekstase. Om ikkje kyrkjetaket allereie hadde vore så høgt, så hadde det letta.

— Dette var langt over forventningane. Dei er heilt fantastiske. Så vakkert, godt fletta saman, og nesten litt mystisk, er nokre av superlativa frå publikumane Magnhild Tysse og Britt Lillefosse på første rad. Lillefosse meiner at ho har vore på konsert med Vamp ein stad mellom 30 og 40 gonger.

— Men det er jo ekstra stas å høyra dei her heime, på peikar ho.

Også for muskarane sjølv har kvelden vore særslukka.

— Dette har vore eitt av høgdepunkta på turnéen vår, betrur frontfigur Øyvind Staveland etter konserten.

HAN STÅR OG PAKKAR utstyr i eit virvar av leidningar og instrument. Det er ikkje lite remediar som er med når Vamp tråkklar seg rundt mellom bygdar og byar i vårt langstrakte land.

— Vi snakka nett om det på bakrommet her. At det var ein "utrolig flotte" stemning i kveld. Eit flott og varmt publikum, og kyrkja er så «liten og vennlige i heila sitt uttrykk». Skal eg vera heilt ærlig, så føretrekjer eg dei minste konsertlokala, seier han på syngjande haugesundsdiialekt.

—Ein kjem tettare på folk, og deler konserten med publikum på ein heilt annan måte.

Publikum har trekt seg ut og heim, men kyrkja yrer framleis av liv. Muskarar, lyd- og lysmenn, og alle dei som det står "vakt" på, myldrar rundt og ber på kyrkjebenkar og miksepultar. Jan Roald Myking er leiar i soknerådet. No smiler han frå øyre til øyre.

—Korleis klarte de å lokka ei så profilert gruppe som Vamp til Hosanger, når det ligg så avsides til?

—Avsides? Eg trudde vi var verdas navle, spøkjer Myking, men legg til at gode forhandlingsevner kom godt med.

—Og det hjelpte jo òg på at vi fleire gonger tidlegare har arrangert konsertar med kjende muskarar.

Soknerådsleiaren fortel at dei er opptatt av å skapa breidde på tilbodet dei har i kyrkja, og at god musikk bidrar til dette.

—Ved å arrangera konsertar kan òg dei som ikkje er her så ofte få ei god oppleving i kyrkjerommet. Det er stikkordet vårt det; å skapa gode opplevingar.

Og det har dei absolutt klart. Endå ein gong. Men det blir ikkje lett å toppa dette.